

UGOVOR
ZA NABAVKU ANTIVIRUS SOFTVERA
KZ 33/20

Zaključen u Sarajevu dana 29.01.2021. godine između:

/

KJKP „Toplane – Sarajevo“ d.o.o.

sa sjedištem u Sarajevu, ul. Semira Frašte br. 22

kojeg zastupa v.d. Direktor Amel Đogić (u daljem tekstu: **Kupac**)

Transakcijski račun: 154-001-20003337-76 (Intesa Sanpaolo Banka d.d. Sarajevo)

PDV broj: 200353740001

i

„INFONET“ d.o.o.

sa sjedištem u Tuzli, ul. Mehmedalije Maka Dizdara br. 26

kojeg zastupa Direktor Nedžad Imamović (u daljem tekstu: **Prodavac**)

Transakcijski račun: 132-100-03091702-42 (NLB banka d.d. Tuzla)

PDV broj: 209144750005

PREDMET UGOVORA

Član 1.

Predmet ugovora je nabavka antivirus softvera prema obrascu za cijenu ponude za potrebe Kupca, a zaključuje se nakon provedenog konkurentskog zahtjeva za dostavu ponuda broj: KZ 33/20, u skladu sa Odlukom o izboru najpovoljnijeg ponuđača broj: 03-03-01-37/21 godine i ponudom zaprimljenom pod brojem 184/21 od 15.01.2021. godine, koja odgovara uslovima iz tenderske dokumentacije.

CIJENA I NAČIN PLAĆANJA

Član 2.

Vrijednost ugovorene robe iz Člana 1. ovog Ugovora bez uračunatog PDV-a iznosi.

14.930,00 KM

(slovima: četrnaesthiljadadevetstotinatrideset i 00/100 KM)

U cijenu ugovorene robe nije uračunat PDV.

Član 3.

Prodavac se obavezuje da za isporučenu robu ispostavi račun u skladu sa Zakonom o PDV-u.

Član 4.

Kupac se obavezuje da će izvršiti plaćanje u roku od 30 dana od dana prijema računa Prodavca.

ROK I MJESTO IZVRŠENJA

Član 5.

Rok isporuke: 01.02.2021. godine.

Mjesto isporuke: lokacije KJKP „Toplane-Sarajevo“ d.o.o. Sarajevo - elektronski.

Član 6.

Prodavac je dužan da obezbijedi tehničku podršku putem elektroničke pošte i / ili telefona. Tehnička podrška treba da je dostupna radnim danom (ponedjeljak – petak) tokom radnog vremena (07:30 – 16:00 sati) i treba da je uključena u cijenu ponude.

GARANTNI PERIOD

Član 7.

Garantni period za isporučeni antivirus softver je minimalno 12 mjeseci od dana isporuke.

PRELAZNE I ZAVRŠNE ODREDBE

Član 8.

Ugovor se zavljučuje i važi za period od 01.02.2020. do 01.02.2021. godine.

Član 9.

Za sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 11.

Ugovorne strane su saglasne da Prodavac nema pravo, u svrhu izvršenja Ugovora, zapošljavati fizička i pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke u postupku koji je prethodio ovom Ugovoru, najmanje šest mjeseci po zaključenju Ugovora odnosno početka realizacije Ugovora.

Član 12.

Ugovor stupa na snagu danom potpisivanja.

Član 13.

Ugovor je sačinjen u 2 (dva) istovjetna primjerka od kojih svaka od ugovornih strana zadržava po 1 (jedan) primjerak.

Za Prodavca

„INFONET“ d.o.o.


Nedžad Imamović

Broj: 01-101/21



Za Kupca

KJKP „Toplane – Sarajevo“ d.o.o.


d. Direktor


Amel Đogić

Broj: 03-08-04-405 -502.01/21



Izvršni direktor za
tehničke poslove



v.d. Nirha Kozica





**PREGLED CIJENA PRIHVATLJIVIH PONUDA ZA NABAVKU ANTIVIRUS
SOFTVERA
PRIJE E - AUKCIJE**


Redni broj	Opis robe	Jedinica mjere	Količina	" INFONET " d.o.o. Tuzla	
				Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	Antivirusnog softver SHOPOS END POINT PROTECTION ADVANCED na period od 12 mjeseci	kom	170	88,00	14.960,00
UKUPNA CIJENA BEZ URAČUNATOG PDV - a					14.960,00
POPUST: _____ %					/
UKUPNA CIJENA SA URAČUNATIM POPUSTOM BEZ PDV-a					14.960,00
NOVA UKUPNA CIJENA BEZ URAČUNATOG PDV-a					14.930,00
PROCENAT UMANJENJA PONUDE					0,0020053

**PREGLED CIJENA PRIHVATLJIVIH PONUDA ZA NABAVKU ANTIVIRUS SOFTVERA
NAKON E - AUKCIJE
KZ 33/20**

R. br.	Opis robe	J. mj.	Količina	" INFONET " d.o.o. Tuzla	
				Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	Antivirusnog softver SHOPOS END POINT PROTECTION ADVANCED na period od 12 mjeseci	kom	170	87,82	14.930,00
UKUPNA CIJENA BEZ URAČUNATOG PDV - a					14.930,00
POPUST: _____ %					/
UKUPNA CIJENA SA URAČUNATIM POPUSTOM BEZ PDV-a					14.930,00
PDV 17 %					2.538,10
UKUPNA CIJENA SA URAČUNATIM PDV-om					17.468,10

Mjesto i datum: Tuzla, 29.01.2021.

" INFONET " d.o.o.





UPRAVA

Broj: 03-03-01-37 /21

Sarajevo, 21.01.2021. godine

Na osnovu člana 64. stav 1., tačka b., člana 25. i člana 70. stav 1.,3. i 6. Zakona o javnim nabavkama („Službeni glasnik BiH“ broj 39/14), Pravilnika o postupku nabavke broj PR/SN/01 od 24.02.2015. godine i Odluke Nadzornog odbora broj: 01-05-02/20 od 27.01.2020. godine, na Preporuku Komisije za javnu nabavku broj: 33/20/5 od 20.01.2021. godine, v.d. direktor donosi:

ODLUKU

- o izboru najpovoljnijeg ponuđača za nabavku -

NABAVKA ANTIVIRUS SOFTVERA

KZ 33/20

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 33/20/5 od 20.01.2021. godine i ugovor za javnu nabavku KZ 33/20 – Nabavka antivirus softvera se dodjeljuje ponuđaču:

„INFONET“ d.o.o. Tuzla

prema ponudi broj: 184/20 od 15.01.2021. godine, za ponuđenu cijenu bez uračunatog PDV-a u iznosu od:

14.930,00 KM

kao najpovoljnije ocijenjenom ponuđaču.

Član 2.

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi).

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku će se dodijeliti drugorangiranom ponuđaču, u skladu sa članom 72. stav 3. Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču, najkasnije u roku od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se i ovlašćuje Služba nabavke.

Član 5.

Ova odluka će biti objavljena na web-stranici www.toplanesarajevo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.



Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-1466/20 od 25.12.2020. godine.

Javna nabavka je provedena putem **konkurentskog zahtjeva za dostavljanje ponuda**.

Obavještenje o nabavci broj: 160-7-1-198-3-117/20 poslato je na objavu dana 25.12.2020. godine, a objavljeno je na Portalu javnih nabavki BiH dana 25.12.2020. godine u 15:55 sati te upućen zahtjev za dostavu ponuda na tri adrese, shodno članu 88. stav 1. Zakona o javnim nabavkama.

Komisija za javnu nabavku imenovana je Odlukom broj: 03-03-01-1467/20 od 25.12.2020. godine.

Nakon isteka roka za preuzimanje, tendersku dokumentaciju je preuzelo 23 (dvadesetri) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki BiH www.ejn.gov.ba).

Nakon isteka roka za podnošenje ponuda evidentirano je da su putem protokola u zatvorenoj koverti pristigle sljedeće ponude:

1. „INFONET“ d.o.o. Tuzla, broj protokola 184/21 datum 15.01.2021. godine u 08:03 sati
2. „TEAM CONSULTING“ d.o.o. Sarajevo, broj protokola 195/21 datum 18.01.2021. godine u 08:13 sati

Dana 18.01.2021. godine u 11:00 sati, Komisija za javnu nabavku je izvršila javno otvaranje pristiglih ponuda sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristiglih ponuda.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da pristigle ponude ispunjavaju formalno – pravne i tehničke zahtjeve ugovornog organa odnosno da su prihvatljive za ugovorni organ i da mogu biti predmet vrednovanja shodno utvrđenom kriteriju.

Tenderskom dokumentacijom predviđeno je zakazivanje e-aukcije. Prije zakazivanja e – aukcije, Komisija je pristupila vrednovanju prihvatljivih ponuda prema utvrđenom kriteriju „**najniža cijena**“, te utvrdila rang listu prihvatljivih ponuda / ponuđača, kako slijedi:

1. „TEAM CONSULTING“ d.o.o. Sarajevo,

sa ukupnom cijenom ponude u iznosu od **14.950,00 KM** bez uračunatog PDV-a.

2. „INFONET“ d.o.o. Tuzla,

sa ukupnom cijenom ponude u iznosu od **14.960,00 KM** bez uračunatog PDV-a.

E – aukcija je zakazana 20.01.2020. godine u 14:00 sati a završena u 14:10 sati, nakon čega je rang lista prihvatljivih ponuda / ponuđača kako slijedi:

1. „INFONET“ d.o.o. Tuzla,

sa ukupnom cijenom ponude u iznosu od **14.930,00 KM** bez uračunatog PDV-a.

2. „TEAM CONSULTING“ d.o.o. Sarajevo,

sa ukupnom cijenom ponude u iznosu od **14.950,00 KM** bez uračunatog PDV-a.

Komisija za javnu nabavku je dostavila, dana 20.01.2021. godine, preporuku o izboru najpovoljnijeg ponuđača broj: 33/20/5 od 20.01.2021. godine, zapisnik o pregledu i ocjeni ponuda prije e – aukcije broj: 33/20/3-1 od 18.01.2021. godine, i Zapisnik o pregledu i ocjeni ponuda nakon e – aukcije broj: 33/20/3-2 od 20.01.2021. godine, u postupku javne nabavke nabavka antivirus softvera – KZ 33/20.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije).

- da su blagovremeno zaprimljene 2 (dvije) ponude.

- da nema neblagovremeno zaprimljenih ponuda.

- da su ponude ponuđača: „ TEAM CONSULTING “ d.o.o. Sarajevo i „ INFONET “ d.o.o. Tuzla prihvatljiva.

- da nema neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „ najniža cijena “, te da je rang listu prihvatljivih ponuda / ponuđača slijedeća:

1. „ INFONET “ d.o.o. Tuzla,

sa ukupnom cijenom ponude u iznosu od **14.930,00 KM** bez uračunatog PDV-a.

2. „ TEAM CONSULTING “ d.o.o. Sarajevo,

sa ukupnom cijenom ponude u iznosu od **14.950,00 KM** bez uračunatog PDV-a.

Cijeneći navedenu rang listu i kriterij za vrednovanje, ugovor za nabavku antivirus softvera se dodjeljuje ponuđaču:

„ INFONET “ d.o.o. Tuzla

sa ukupnom cijenom ponude u iznosu od **14.930,00 KM** bez uračunatog PDV-a,

kao prvoplasiranom na rang listi jer sadrži najnižu cijenu.

Iz navedenih razloga, primjenom člana 64. stav 1. tačka b, člana 25 i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje ugovornom organu, kao prvostepenoj instanci u žalbenom postupku, u pisanoj formi i najmanje 3 (tri) primjerka.



Dostaviti:

1. Ponuđaču: „ INFONET “ d.o.o. Tuzla
2. Ponuđaču: „ TEAM CONSULTING “ d.o.o. Sarajevo
3. Službi nabavke a/a
4. Web stranica preduzeća

OBRAZAC ZA CIJENU PONUDE

PONUDAČ: INFONET d.o.o. TuzlaBroj ponude: 100 Q 2899Datum: 12.01.2021.

Strana _____ do _____

R. br.	Opis robe/usluge	J. mj.	Količina	Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	Antivirusnog softver SHOPOS END POINT PROTECTION ADVANCED na period od 12 mjeseci	kom	170	88,00	14.960,00
UKUPNA CIJENA BEZ URAČUNATOG PDV-a					14.960,00
POPUST: <u>0</u> %					0,00
UKUPNA CIJENA SA POPUSTOM BEZ URAČUNATOG PDV-a					14.960,00

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Mjesto i datum: TUZLA, 12.01.2021.

Potpis i pečat ovlaštenog lica:

Antonijski

OBRAZAC ZA CIJENU PONUDE

OSTALI USLOVI:

- ✓ Plaćanje: 30 dana od dana prijema računa.
- ✓ Rok isporuke: 01.02.2021. godine.
- ✓ Tehnička podrška: ponuđač je dužan da obezbijedi tehničku podršku putem elektroničke pošte i / ili telefona. Tehnička podrška treba da je dostupna radnim danom (ponedjeljak – petak) tokom radnog vremena (07:30 – 16:00 sati) i treba da je uključena u cijenu ponude.
- ✓ Mjesto isporuke: lokacije KJKP „Toplane-Sarajevo“ d.o.o. Sarajevo- elektronski.
- ✓ Garantni rok: min. 12 mjeseci od dana isporuke.

Mjesto i datum: TUZLA, 12. 01. 2021.

Potpis i pečat ovlaštenog lica:

